

INICIJATIVA ZA PODRŠKU RAZVOJU UDRUŽENJA/UDRUGA UZGAJIVAČA BOSNE I HERCEGOVINE

Poštovane dame i gospodo, Vaše Ekselencije, donosioci odluka, akademska zajednica, ljudi dobre volje,

Udruženja i Udruge uzgajivača Bosne i Hercegovine okupili su se ovih dana kako bi zajednički razmotrili egzistencijalne probleme s kojima se susreću svi uzgajivači na prostoru BiH bez obzira iza koje entitetske granice se nalazili. Zbrajajući zajedničke probleme zaključili su da je nužno pozvati sve domaće i međunarodne institucije u Bosni i Hercegovini koje mogu pomoći domaćim proizvođačima da se koliko je moguće prije uvedu EU legislative u BH stočarstvu koje bi značajno jačale status uzgojnih organizacija, te pridonijele ekonomskom osnaživanju stočara s ovih prostora.

Nedvojbeno je da su Udruženja/Udruge u oblasti stočarstva jedan od najznačajnijih elemenata EU integracija u poljoprivredi koji može značajno unaprijediti ovaj proces, te pomoći u održivosti, ali i opstanku života na selu Bosni i Hercegovini.

Svjesni smo i činjenice da je u BiH, kao tranzicijskoj zemlji, još uvijek uvriježeno mišljenje da će država da reguliše sve procese, pa tako i u ključnoj problematici stočara-uzgojno-selekcijском radu. No, jednako tako smo svjesni da se i ovakav vid promišljanja mora promijeniti i da se i uzgajivači i drugi relevantni organi u BiH uz podršku EU moraju uključiti u proces osnivanja i jačanja Udruženja koje funkcionišu u stočarstvu.

Kada je riječ o aktivnostima Udruženja u ruralnim sredinama situacija nije nimalo pohvalna, i ako se nešto u skorije vrijeme ne uradi, u Udruženja na selu se neće imati ko učlaniti. U gradove uvijek neko dolazi, neko odlazi. Na sela se slabo ko vraća. Zato se moraju institucionalizovati određeni elementi civilnog djelovanja i stvoriti pozitivna atmosfera odnosa na selu, vratiti povjerenje mladim ljudima da se od rada može živjeti, a najbolje je pratiti EU.

Kada je reč o aktivnostima Udruženja u oblasti stočarstva, postoje određena prava i obaveze koje dolaze sa EU integracijama i koje su propisane, između ostalih, Odlukama Evropske Komisije 84/247/EEC, 89/501/EEC, 89/504/EEC, 90/254/EEC i 92/353/EEC, i dr. Implementacija ovih odluka u BiH je trenutno na veoma niskom nivou, i tek par Udruženja „pokušava“ da uskladi svoje funkcionisanje sa partnerima u EU. EU propisi su u manjoj ili većoj mjeri implementirani u domaćim propisima, i to u: Zakonu o stočarstvu RS (*Sl.glasnik RS br.44/15 u 63/21*) i Zakonu o stočarstvu FBiH (*Sl.novine FBiH br.66/13*). Međutim, implementacije ovih propisa u praksi nije zadovoljavajuća.

Drage dame i gospodo, mi dolje potpisani, u ime naših Udruženja, koja zajedno okupljaju preko 2.000 uzgajivača,

Vas molimo da razmotrite ovu Inicijativu i okviru Vaših nadležnosti i mogućnosti pružite podršku u jačanju sektora Udruženja/Udruga uzgajivača i približavanja

standardima Evropske Unije. Nije nam ostalo ni mnogo vremena, a ni dovoljno ljudi na selu.

Unaprijed zahvalni!!!

U Tesliću, 18.12.2021.godine

Naziv Udruženja/Udruge i ime predstavnika

Udruženje poljoprivrednih proizvođača – mljekara RS
g. Vladimir Usorac, www.mljekarirs.com

Udruženje poljoprivrednih proizvođača mlijeka i mesa SBK
g. Amir Bulut

Udruga proizvođača i prerađivača autohtonih ovčijih sireva i
mesa „Pramenka“, g. Vinko Batinić, <http://pramenka.org/>

Udruženje uzgajivača ovaca i koza Republike Srpske
g. Dragan Santrač, <http://udruzenjekozara.org/>

Udruženje uzgajivača goveda u sistemu krava tele
g. Drago Đukanović

Potpis



Ovi zaključci su nastali nastali na Konferenciji „Udruženja uzgajivača i njihova uloga u procesu EU integracija BiH“, koja je održana u Tesliću 17. i 18. decembra/prosinca 2021. godine.

Ova inicijativa je nastala uz podršku BCSDN i finansiranje od strane SIDA u okviru projekta: "Village hub - strengthening the CSO sector in the countryside".

„Sadržaj ovog dokumenta i predstavljeni podaci i stavovi ne predstavljaju zvanični stav i mišljenje SIDA i BCSDN-a. Odgovornost za informacije i stavove izražene u ovom dokumentu su u potpunosti na autorima.“